

FILMESIRI INSTRUKCIA

KOTAR FREDRIK LINDSTRAND



TITEL	TIKNO FILMI E TIKNENDE
REŽIJA	Anna-Clara Tidholm & Gun Jacobson
BERŠ	2007
DLOGO	30 minutija
PHUV	Švedska
REK KOTAR BERŠ	3 berš
FILMESIRI INSTRUKCIA	Fredrik Lindstrand

LITERALNO MODELI

ŠUŽI MAJMUNKA	ANNA-CLARA TIDHOLM
SARINE ŠAJ TE VOZINEN PE	ANNA-CLARA TIDHOLM
E SIMONESIRI PATKA	ANNA-CLARA TIDHOLM & GUN JACOBSON
CELO RAT	ANNA-CLARA TIDHOLM
I NELLY EDELA	ANNA-CLARA TIDHOLM & GUN JACOBSON

ŠTAMPIMI VERZIA KOTAR
WWW.FILMCENTRUM.SE

PARAMIZ

Snuttefilm – panđ tikne šuže filmija e najtikne čhavorenđe ko tempo kaj o tikne chavore šaj te penđaren ko dive so dikhena hem sar nakhena. Maškaro odola panđ filmija isi črtite figure so čhelindoj prezentirinena o filmi so ka startirini.

AO, TIKNIJE MAJMUNKO! – I tikni majmunka uštela ando sojbe, ripini ko kreveti, hala maro, uravela pe o šeja hem đala avri. Avrijal dikhela jekhe đučhelje hem darala, ovela sapani ko jekh pani, angljeder te ovel tomnina i tikni majmunka avela čhere.

SARINE ŠAJ TE VOZINEN PE – Jekh čaj vozini kamioni hem čedela so pobuter đenen te vozinen po ko kamioni. O deda mraz so našaldilo, o balo so mislini, o čhavo so pelo ko asfalti, o đučhel so morzoni hem o medo so rovela. Sarine đana ki čaj čhere hem sarine hana maro othe.

E SIMONESIRI PATKA – O Simon tano avri e patkaja. I patka našalđola, ama nakhela but bari avantura angljeder te avel paljem ko Simon.

CELO RAT – Jekh tikno čhavoro dikhela kotar penđera. Olje ljela o sojbe hem tegani ikljona but životinje...

I NELLY EDELA – I Nelly tani kokri sebepi olakiri daj bešela e tikne bebaja, a olakoro dad bešela ko kompjuteri. I Nelly čedela pe šeja hem našela ando po čher. Ama, olakoro tata hem olakiri mama vičinena ola ko telefoni hem phenena olače te avel paljem čhere. I Nelly irini pe čhere.

AO, TIKNIJE MAJMUNKO!

ŠUKAR SABALJE!

O čhavore šaj te penđaren but situacije so ovena ko jekh dive hem so prezentirini pe ko akava filmi. Osetinena tumen činde sabalje ked uštena kotar sojbe? Vazdela tumen điko ando sojbe da li kokri uštena? So hana mareja ked uštena ando sojbe? Pijena li thud ked uštena sabalje (sar i tikni majmunka ko filmi)? Kobor sigate đala te uraven tumen o šeja? Pomožini tumen tumari daj, tumaro dad da li kokri uravena tumen? Ko birini o šeja? Save šeja pobuter mangeja? Savi boja but mangeja?

AVANTURA TIKNE HAVORENDE

Ko filmi i tikni majmunka isi ola but bare avanture, či resela jekh holjame đučhelje. Da li dijekh đučhel bašlja upro tute? Sar osetinđan tut? Sostar pana šaj te dara ked phireja račate? Sar osetineja tut ked daraja? Sar osetineja tut ked ripineja kotar dar hem ukljeja ko kaš sar i tikni majmunka kotar filmi? Ripineja li dijekhvar ko kreveti čhere? Sar osetineja tut tegani? So phenela ti mama hem to tata?

Panđ tikne majmunija:

Panđ tikne majmunija ripinđe ko kreveti (mukh o naja kotar jekh vas te ripinen ko dujto vas) jekh pelo telje hem pharavđa po šero (ičer to šero solduj vastencar). I mama vičini ko doktori hem o doktori phenela: (vičin kobajagi) – na tromal nijekh majmuni te ovel ko kreveti (mot-hov najencar) Štar tikne majmunija ... Trin tikne majmunija ... Duj tikne majmunija ... Jekh tikno majmuni... Nijekh majmuni na ripinđa ko kreveti hem niko na pharavđa po šero. I mama na vičinđa ko doktori. I mama doljinđa sa e majmunen ki janglja.

Mothoven hari so čerena o tikne majmunija? Sar phirena hem ripinena? Sar šunđona? So mangena but te han?

Šaj điko tumandar đanela te čheljel najecar "Panđ tikne majmunija"?

SARINE ŠAJ TE VOZINEN PE

TE OVE KOKRI JA BARABAR AVERENCAR

Sar osetineja tut ked hijan kokri? Mangeja li dijekhvar te ove kokri? Keda? Soj tano but šukar ked hijan barabar averencar? So šaj te ere tegani averencar so našti te čere kokri?

Ko hine šaj te vozini pe e čhajaja? Ko hine tuče najšukar figura kotar sarinende so hine othe ko kamioni hem palo odova so đelje ki čhaj te han maro? Sose?

Čheljen tumenđe sar vozinena tumen ko modro kamioni! Jekh tumendar šaj te vozini o kamioni ki soba hem te ačhol te ljel jekh po jekhe čhavore. Sarine šaj te vozinen pe! Redinen tumen jekh palo jekheste hem ljen sa e čhavoren.

E SIMONESIRI PATKA

AVANTURA TIKNE HAVORENDE

Ičereja li ki godi save aventure hine ola i patka? So hine tuče najšukar, ki savi avantura so hine i patka? Da li tu hine tut disavi avantura sar o havo ja sar i patka so hine oljen ko filmi? Vačer amenđe! Sar hine tuče tegani? So bi ka mange te probine kotar akala aventure so hine ko filmi? Ičereja li ki godi save sa figure reslja i patka ko akava filmi?

TE DA KI AVANTURA HEM PALJEM TE IRINE TUT

So mislineja, sar osetinđe pe o čhavo hem i patka ked o thav čhindilo hem i patka pođinđa ki avantura? So čerđa o čhavo či i patka hine ki avantura? So mislineja, sar osetinđe pe o čhavo hem i patka, ked i patka irinđa pe paljem ko čhavo?



HELJIBE

So čerđe o čhavo hem i patka ked reslje jekh jekhe? Sar čhelđe pese? So mangeja tu te čhelje čhere hem ki škola? Čheljena tumenđe kokri da li amaljencar? Ked tano najšukar vakti te čhelje tuče? Isi tut li dijekih favorit igračka čhere hem/ja ki škola? Sose mangeja baš odija igračka but? Isi tut li dijekih tikni patka čhere so nanđoveja olaja?

Đa
palo
John!

CELO RAT

SABALJE HEM RA ATE

So čereja ked valjani te spremine tut te sove? Isi tut li pharipe te ljel tut o sojbe? So čereja tegani? Sar osetineja so alo o vakti sojbase? Sar đaneja keda valjani te ušte ando sojbe? So šunđola but sabaljea koro tumende čhere? Ko uštela prvo? Save dive mora te ušte but rano? Sose? Ušteja li but rano hem ko savato hem ko kurko?

ŽIVOTINJE

Ko filmi o čhavo dikhela but životinje kotar penđera sar lazinenena, phirena hem ripinenena. Ičereja li ki godi save životinje hine odola? Save životinje dikhljan ko čače? Savi životinja so dikhlja o čhavo kotar penđera tuče dičhili sar čudno? Save životinje na sovena račate? Save životinje darana kotar avera životinje? Kotar save životinje tumen darana? Isi tumen li disavi životinja čhere? Sovela li račate?

Sar phirena o
pingvinija?
Probinen sarine te
phiren pohari sar o
pingvinija!

Čer diso sar o
životinje ko filmi
hem mukh te amala
te pogodinen savi
životinja hijan!

I NELLY EDELA

PHRALJA HEM PHENJA

Dobinđa li điko tumendar tikno phral ja phen? Sar osetinena tumen? Soj šukar, a soj nane odobor šukar? So šaj o tikno phral ja i tikni phen te čeren kokri, a so našti? Sar osetineja tut ked i mama hem o tata pobuter dikhena e tikne phralje ja e tikne phenja? So čereja tegani? So mangeja te čere e mamaja ja e tataja? Soj najšukar te čere e tikne phraljeja ja e tikne phenjaja? Ja e celo familiaja?

OKOLJEN SO MANGEJA NANE OTHE

Ko filmi i Nelly pođinđa ko drumo, ama pelji pišmani. Sose mislineja ačhilji čhere? Sose mislineja so i mama hem o tata pelje mazumi ked i Nelly vačerđa so nane te irini pe čhere? Kas tu but mangeja, a nane zalo tute? Sar osetineja tut?

KO DRUMO

Ičerena li ki godi ked i Nelly čedinđa pe šeja? Hijen li hine tumen dijekhvar ko drumo? Kaj đeljen tegani? So ljeljen tumencar ko drumo? So ka lje tuvaja akana te čede te buča hem te pođine ko drumo đikuri? Soj najvažno te ovel tut tuvaja?

